

Росси Федерациысь дышетонъя но тодосъя министерство
Удмурт кун университет
Удмурт кылосбур факультет
Удмурт кылыя но сое дышетон амальёсыя кафедра

О. Б. Стрелкова

**УДМУРТ КЫЛЛЭН
КЫЛКАБТОДОСЭЗЬЯ УЖЬЁС**

***УПРАЖНЕНИЯ ПО МОРФОЛОГИИ
УДМУРТСКОГО ЯЗЫКА***

**Дышетон-амалтодослыко юртгос
Учебно-методическое пособие**



Ижкар

2012

УДК 811.511.131'366(07)

ББК 81.664.1-9

С 842

Рекомендовано к изданию Учебно-методическим советом УдГУ

Рецензент: доцент, к. филол. н. Ефремов Д. А.

Стрелкова О. Б.

С 842 Удмурт кыллэн кылкабтодосэзья ужъёс (Упражнения по морфологии удмуртского языка): Дышетон-амалтодослыко юрттос. – Ижкар: «Удмурт университет» книгапоттонни, 2012. – 55 б.

Дышетон-амалтодослыко юрттос чакламын «Туала удмурт кыл. Кылкабтодос» курсэз дышетйсь бакалавриатысь студентъёс понна.

Котькуд вераськон люкетъя юрттосын дэмламын кӧня ке практической ужъёс, юанъёс, кудъёсэс быдэстыкуз, дышетскись огазеяны тыршоз теория ласянь тодон-валанъёсэс но шараяны быгатоз удмурт кыллэсь аспӧртэм-лыкъёсэс. Озы ик котькуд вераськон люкетлы сӧтэмын эскерон схема но анализ лэсьтонлы примеръёс.

Учебно-методическое пособие предназначено для студентов бакалавриата, изучающих курс «Современный удмуртский язык. Морфология».

Рассматривая самостоятельные части речи на основе предложенных практических заданий, вопросов, студенты сами смогут обнаружить некоторые морфологические особенности родного языка. По каждой части речи дана схема разбора и примеры выполнения анализа.

УДК 811.511.131'366(07)

ББК 81.664.1-9

© О. Б. Стрелкова, 2012
© ФГБОУ ВПО «Удмуртский государственный университет», 2012

Пуштросэз

Азыкыл	4
Предисловие	5
Кыллюкеттодос (<i>Морфемика</i>)	7
Макеним (<i>Имя существительное</i>)	12
Тодметним (<i>Имя прилагательное</i>)	17
Лыдним (<i>Имя числительное</i>)	20
Нимвоштос (<i>Местоимение</i>)	24
Каронкыл (<i>Глагол</i>)	27
Каронним (<i>Причастие</i>)	32
Каронсям (<i>Деепричастие</i>)	35
Сямкыл (<i>Наречие</i>)	39
Тодэ ваён (<i>Повторение</i>)	42
Текстьёс (<i>Тексты</i>)	47
Туала удмурт кыллэн кылкабтодосэзъя экза- менлы юанъёс (<i>Вопросы к экзамену по курсу</i> <i>«Современный удмуртский язык. Морфоло- гия»</i>)	51
Инъет литература (<i>Основная литература</i>)	54

АЗЬКЫЛ

Удмурт кыллэсь морфологизэ эскеронлы сйзем огъяс тодослыко ужъёсыз трос вераны уз луы. Шумпотымон, 2011-тй арын потэм «Удмурт кыллэн кылкабтодосэз», теория ласянь тодон-валан басьтон понна, студентъёслы бадӟым юрттэт луиз шуыса. Татын туала удмурт кыллэн валтйсь аспӧртэмлыкъёсыз пусъёмын, куд-ог учыръёсы история ласянь тодэтъёс но сётэмын. Вылй дышетскон-ниын дышетскись студентъёс понна та курсья практической ужъёсын радьям юрттосъёс нош туннэ нуналлы чикӧвӧл, соослэн кулэлыксы уката но шӧдскымон, дышетскисъёслы ужан программаосын ас кожазы ужаны дыр тросгес висъямен валче. Дышетйсь котькуд занятиын уже кутано луэ ас материалъёссэ.

Дышетон-амалтодослыко юрттос чакламын «Туала удмурт кыл. Кылкабтодос» курс понна. Татын дэмламын кӧня ке практической ужъёс, вераськон люкетъёсты эскерон схема, кудйз кӧня ке примеръёсын юнматыса сётэмын. Соосты быдэстыса, теория ласянь куд-ог тодон-валанъёссэ уже кутыса, дышетскись ачиз но шӧдыны быгатоз удмурт кылысь вераськон люкетъёслэсь аспӧртэмлыкъёссэс, ачиз но йылпумъянъёс лэсьтыны дышоз. Озы ик чектэмын котькуд темая эскеронлы юанъёс, инъет литература.

Та уж студентъёслы юрттыны быгатоз, йылпумъясь кун экзаменлы дасяськыкузы но удмурт кыллэн морфологиезъя ас тодослыко ужзэс быдэстыкузы.

Предисловие

Данное учебно-методическое пособие предназначено для студентов, изучающих курс «Современный удмуртский язык: Морфология». В последнее время в удмуртском языкознании уделяется должное внимание рассмотрению проблем морфологии, но, к сожалению, для студентов высших учебных заведений в настоящее время нет ни одного комплексного пособия для проведения практических занятий по этой дисциплине.

В данной работе предложены практические задания, вопросы для контроля, образцы разбора знаменательных частей речи, список основной литературы по каждому разделу. Студенты должны уметь самостоятельно выявлять особенности родного языка, чувствовать его своеобразие и богатство.

Пособие также окажет студентам помощь при подготовке к итоговому государственному экзамену. Материалы могут быть использованы и в их собственной научно-исследовательской деятельности по проблемам морфологии удмуртского языка.

Данное учебно-методическое пособие предполагает формирование таких компетенций, как:

ОК-1 – владение культурой мышления; способность к восприятию, анализу, обобщению информации, постановке цели и выбору путей ее достижения;

ПК-1 – способность демонстрировать знание основных положений и концепций в области теории и истории основного изучаемого языка (языков) и литературы (литератур), теории коммуникации, филологического анализа и интерпретации текста, представление об истории, современном состоянии и перспективах развития филологии;

ПК-2 – владение базовыми навыками сбора и анализа языковых и литературных фактов с использованием тради-

ционных методов и современных информационных технологий;

ПК-3 – свободное владение основным изучаемым языком в его литературной форме;

ПК-4 – владение основными методами и приемами различных типов устной и письменной коммуникации на основном изучаемом языке;

ПК-5 – способность применять полученные знания в области теории и истории основного изучаемого языка (языков) и литературы (литератур), теории коммуникации, филологического анализа и интерпретации текста в собственной научно-исследовательской деятельности;

ПК-6 – способность проводить под научным руководством локальные исследования на основе существующих методик в конкретной узкой области филологического знания с формулировкой аргументированных умозаключений и выводов;

ПК-8 – владение навыками участия в научных дискуссиях, выступления с сообщениями и докладами, устного, письменного и виртуального (размещение в информационных сетях) представления материалов собственных исследований;

ПК-11 – готовность к распространению и популяризации филологических знаний и воспитательной работе с учащимися.

Кыллюкеттодос

1. Вералэ, кыче амалэн но кыче кыл бордысь пөрмемын та кылъёс?

*веран
пумиськисьёс
кылтодон
быгатонлык
малпаськонъёс
кыкто
мажсаны
кужмоятыны
тодосчи
олокин*

Таче амалъёсын ик но сыче моделья ик пөрмем мукет кылъёсыз шедьтэ.

2. Та кылъёс бордысь выль кылъёс кылдытэ но чаклалэ, кыче вераськон люкетъёс кыче амалэн пөрмо:

*Дас
Узы
Выль
Вуз
Ар
Уй
Жыт
Ки
Пус*

3. Сётэм кылъёслэсь кылпөрмытйсь но кабкылдытйсь итэтьёссэс пусье:

Эшъёсылэн, ужбергатйсьёстылэсь, эькуньсьтымы, кивалтэтын, мыйыкооссэ, гордэктэ, маскарчимы, узырлыкэн, дугдылонниын, пызесь, ужсась, мылкыдтэк, тодосысь, сиён-юон, гудыръяку.

4. -лык, -чи, -о, -ни, -тэм, -он/-н, -ись/-сь итэтьёсын выль кыльёс пөрмытэ но вералэ, кыче огъя валатонзы соослэн шөдйське.

5. Текстись пусье производной но производной луись-тэм кыльёссэ.

7-тй августэ Ижысь «Галерея» центрн усьтйськиз Лариса Быкова суредасьлэн ужъёсыныз «Малпанъёс – сяськаос» адзытон. Выставка ужалоз 26-тй августозь. Лариса йылпумяз Удмурт кун университетесь худграфез, та вакытэ ужа колорист луыса – машинаослы буэльёс суралтэ-бырье. Нош сяська суредъёсы кысьтэ уж висказ тымиськем малпанъёссэ. Лариса Быковалэн ужъёсыныз артэ интыямын анаезлэн Людмила Хрулёвалэн кылбуръёсыз. Инкуазьлы, ныльёсызлы, вордйськем шаерезлы сйзем чуръёс суредъёсты эшшо но яркытгес каро кадь, соослы выль шөм пычато. – Людаез туж зеч тодйсько вал, – шуэ элькунысьтымы культура удысысь дано ужась Надежда Бочкарёва. – Адземе потйз нылызлэсь ужъёссэ, аслаз кылбуръёсыныз но выльысь тодматски. Нылызлы сйземзэ лыдзыса, синвуаськи – аслам но пинал дыры тодам лыктйз. Синмаськи Ларисалэн ужъёсызлы, паймытйз Алиса нылыз. Залысь одйгез сэрег сйземын Лариса но Николай Быковъёслэн нылылэн акварель амалэн быдэстэм суредъёсызлы. Алиса дышетске та городысь суреданъя академиын, йылпумяз кыкетй курсэз. Адзытонэз радъяны Лариса Быковалы юрттйзы эшъёсыз. Соос ой ке жуткасалзы, пе, мылкыдме, суредъёсы калык син азе ой ик потысалзы. Татчыозь матысь адямиосызлы гинэ возьматылйз уго ужъёссэ. Узыё-борыё вакытэз вуыса, эшъёсыз маза өз сётэ ни ватйськыса улыны. Зал быдэсак сяська омырен шоказ. Выставкаез узырмытйзы возь вылысь ромашкаос, герберъёс. Таосызлы тужгес но лөптэмын вал анай-атайёсынызы лыктэм покчиос. Светлана Ручкина быдэстйз сяськаослы сйзем кырзанъёсты. Выставкаез усьтыса, «Галерея» центрн ужась Елена Иванова пусйиз: – Пастель амалэн

суредан капчи өвөл, но Ларисалы со сөтйськиз. Ужъёсыз висьясько буёлэз шөдонэн но одйгысьтыз мукетаз дйсьтыса выжонэн. – Сяськаосты суредаса, мон анаеным вераськем кадь луисько, улонэз валаны турттйсько, – шуэ Лариса. – Котькудаз пычамын асэным луэм кыче ке но учыр. Шумпотон яке куректон мылкыдын дорам бертыкум, магазинэ пырисько но сяська басьтйсько (Удмурт дунне).

Эскеронлы юаньёс

1. Вералэ, кыче кыллюкетъёс висьясько удмурт кылын, валэктэ соосты примеръёс вылын.

2. Маин пөртэм луо кабкылдытйсь (формообразующей) но кылпөрмытйсь (словообразовательной) итэтъёс?

3. Пусъе удмурт кылысь продуктивной но продуктивной луисьтэм выль кыл пөрмытйсь итэтъёсты, верандэс примеръёсын юнматэ.

4. Кыче инты басьто удмурт кылын азитэтъёс, кыче вераськон люкетъёсын кутйсько?

5. Вань-а удмурт кылын флексия? Кыче малпанъёс вань та пумысен тодослыко литератураын?

Кыллюкетъёся эскерон

1. Эскероно кыллэсь кыче вераськон люкет луэмзэ пусъёно, вошъяськись кылъёслэсь инъет кабзэс шедьтоно.

2. Висьяно кабкылдытйсь итэтъёссэ, верано, кыче кылрадъян валатонэн соос кутйсько.

3. Пусъёно кылпөрмытйсь итэтъёссэ (вань ке), валэктоно, кыче кыл бордысь, кыче вераськон люкетлэсь пөрме-мын.

4. Кылвыжыез висьяно.

Кылсярысь:

Мышказ пукись эшезлэсь юаньёссэ кылэ кадь Тоня (С. Самсонов).

Юаньёссэ – макеним, инъет кабез юаньёсыз.

-э – кабкылдытйсь итэт, возматэ адзон падежез;

-с- – кабкылдытйсь итэт, асьян итэт, возматэ одйг лыдэз, куинетй лицоез;

-ёс- – кабкылдытйсь итэт, возматэ трос лыдэз;

-н(ъ)- – кылпөрмытйсь итэт, юаны каронкыл бордысь пөрме юан макеним;

Юа- – кылвыжы.

Танялэн ымнырыз гордэктйз.

Гордэктйз – каронкыл, инъет кабез гордэктыны.

-з – кабкылдытйсь итэт, возматэ одйг лыдэз, куинетй муртэз;

-й- – кабкылдытйсь итэт, возматэ тодмо ортчем дырез;

-экт- – кылпөрмытйсь итэт, горд макеним бордысь гордэктыны каронкыл пөрме;

Горд- – кылвыжы.

Кема мон жьсытёсы малпаськылыса пукисько.

Малпаськылыса – каронсям.

-са – кабкылдытйсь итэт, каронкыл бордысь каронсям пөрме;

-лы- – кабкылдытйсь итэт, трослыко видэз пусье;

-ськы- – кабкылдытйсь итэт, возвратной луэмез возматэ;

Малпа- – кылвыжы.

Иньет литература

Алатырев В. И. Основные пути и способы развития лексики удмуртского языка // Вопросы удмуртского языкознания / Удм. НИИ ист., экон., языка и лит. Т. 1. – Ижевск: Удм. кн. изд-во, 1959. – С. 6–39.

Грамматика современного удмуртского языка: Фонетика и морфология / Удм. НИИ ист., экон., языка и лит. – Ижевск: Удм. кн. изд-во, 1962. – С. 59–68.

Кельмаков В. К. Удмуртский язык в типологическом и контактологическом аспекте: Препринт / Удм. гос. ун-т. – Ижевск, 2000. – С. 16–22.

Тараканов И. В. Есть ли в пермских языках флексия (окончание)? // Пермистика 6: Проблемы синхронии и диахронии пермских языков и их диалектов: Сб. статей / Удм. гос. ун-т. Кафедра общего и финно-угорского языкознания. – Ижевск: Издательский дом «Удмуртский университет», 2000. – С. 166–175.

Удмурт кыллэн кылкабтодосэз (морфологиез): науч.-учеб. изд. / А. А. Алашеева, Д. А. Ефремов, Т. М. Кибардина [и др.], Росси Федерациясь дышетонъя но тодосъя мин-во, ФГБОУ ВПО «Удмурт кун университет», Удмурт кылобур фак-т, Удмурт кыля но сое дышетон амальёсья кафедра. – Ижевск: Издательский дом «Удмуртский университет», 2011. – 15–20 тй б.

Макеним

1. *Гурт* но *гуртэд* макенимъёсты падежъёсыя вошъялэ но вералэ, кыче аспёртэмлыкъёссы шараясько огшоры но асьян склонениослэн.

2. Шедьтэ та веранъёсысь нимберен кутйськись макенимъёсты но пусъе, кыче формаын сылэ макеним, нимберен кутйськыкуз:

1. *Пиез понна пенсия басътэ – ышем-бырем пиез озьы анайзэ сюдэ-вордэ. Чочияен артэ – Миквор Олексанлэн коркаез. 2. Захаров шофёррезлы шур съёры кожыны косйз. Валаз меда со, мыным урамтй, калык азьтй, чемоданэн бертыны возыт луоз шуыса, я огшоры гинэ-а, ййтöd: машина чапак милям капка азямы дугдйз. 3. Кабан сюрон дорын Парок агайлэн Беляев сярысь верамез бере, мынам сюләмы маке умойтэм луиз кадъ. 4. Мон со сярысь нуналлы быдэ тодам вайылйсько. 5. Мон пукси сэргы, Тонялэн ёсöкез доры. 6. Учкисько адямиос шоры: синъёссэс ог-огзылэсь ватыса пуко* (Красильников Г. Тонэн кылисько).

3. Сётэм текстысь шедьтэ макенимъёссэ но пусъе соослэсь склоненизэс но вошъетсэс:

Öз удалты-а, удалтйз-а шуыны луоз Онсимлэсь улонзэ – созэ ачиз но уг вала. Войналэсь азьвыл ик Онсим кышнояськис. Анаез дэмламъя ас дораз гуртысьтызы ик Маринаяз вайиз. Яратыса öз, огшоры гинэ. Сöбере финскойысь бертыса öз вуы, Отечественноезлэн тылжсуаз пыриз. Кыкезлэн ик ожгёслэн тодметсы вань Онсимлэн мугораз: пуньылы улаз мертчем осколок öз поты ни, али ке но лымыян азьын тыбырзэ висытэ, нош немецен война вакыт пыдъяумылтйз ик сйльзэ пуля гырыса ортчиз. Ярам бен, сөнъёссэ йöttымтэ, дораз öлексы луыса бертысал. Война бере Онсим гуртын кема öз улы. Нырысь городэ ужаны интыяськис вал, отысь нуналлы быдэ дораз, Пожвае, бертылйз: городлы кыдөкын öвöl, пыдын час но жсыны кыспын вуоно. Кема öз жсга городын но. Кышноез кöня

сюлвориз, нош со кутйз но тайгае нюлэс кораны вербовкаен кошкиз.

– Мон, Марина, татын ужаса, коньдон уг тырмыты. Быдэс даурдэ анай-атайлэн корказ уд улы ук. Сьөрлон ужаса, коньдон люкало но, гуртэ бертыса, корка пукто, - вагонэ пуксён аяз вераз Онсим. Собере котомказэ пельпумаз ошиз но вагонэ пыриз. Марина кема сьлйз на, кошкись поездлэн бёрсяз учкыса. Кышномурт шыпытас гинэ чушылйз бам вылтйз васькись синвуоссэ...

Леспромхозын кык ар ёже ужатозяз, Онсимлы кузпалыз одйг пол сяна ёз но гожты, лэся. Бен со ачиз но гожтэт гожъяны мастер ой вал. Быдэс нунал ёже тйрен шонаськыса, тайгаысь, суть-суть жадьыса, вуылйз. Леспромхозлэн общежитияз кёня ке сиськиськод-мараськод но – соку ик валес былэ. Мукетъёсыз ужасьёс гуртазы гожтэт ыстыны но дыр шедьтылйзы. Книга, газет но киязы кутто вал. Нош Онсимлэн всяк дырыз ёз тырмылы (Самсонов Н. Лыз наличникъёс).

4. Пусьё шонер валэктонэз яке азыланьтэ:

1. Инъет кабен макенимен кылтэчет луэ:

а) чебер кышетэн;

б) книга был;

в) компьютерлэн мониторез.

2. Кыллэсь кылолык валатонэз возматэ:

а) азитэт;

б) итэт;

в) кылвыжы.

3. Гожтэтъёсмы кыллэн кошкон вошъет кабез:

4. Вошъет, кудйз возматэ, кытысь потэ действие:

а) Кошкон;

б) Потон;

в) Ортчон.

5. *Корка пуктійсько* кылтэчетысь макенимез луэ:

- а) ИКМ;
- б) Ниман падежын;
- в) Адзён падежын.

6. *Нылтиосмес* кыллэн кыће категориосыз пусйисько?

7. а) *италмас сяськаяське* _____

б) *италмас кузьмасько* _____

в) *италмас сярысь* _____

Пусье котькудйзлэсь *италмас* кыллэсь кыће формаын сылэмзэ.

8. *Жёкмы* кыллэн тупало:

- а) ниман но адзён вошъет кабъёсыз;
- б) кошкон но потон вошъет кабъёсыз;
- в) интыян но пырон вошъет кабъёсыз.

8. *Пи, ки, ныл, сузэр, пыд, анай, кенак, визь, кус, малпан, мылкыд, сям, вын, кужым, уж, дыр* кыльёслэсь асьян кабъёссэс пөрмытэ. Вералэ, кыће учырёсы кутійсько *-ы* но *-э/-е* гласнойёсын итэтъёс. Кыће малпанъёс вань та пумысен?

Эскеронлы юанъёс

1. Кыће котретъёслы висьясько падежъёс, соослэн функциоссы но значениоссы?

2. Макенимлэн кыће склонениосыз висьясько, мар бордын соослэн аспөртэмлыксы, огкаdez но пөртэмлыкез?

3. Кыће амальёсын удмурт кылын возматійське род? Вань-а удмурт кылын сыће категория?

4. Мар со сыће инъет кабен макеним, вералэ солэсь аспөртэмлыкъёссэ но пусье кутійськемзэ.

5. Кыће кусыпъёсты возматыны луэ асьян категория пыр?

6. Кыће луо удмурт кылысь макенимъёслэн лыд категориылэн аспөртэмлыкъёсыз?

7. Кыче дунъет сѣтйсь итѣтъѣсты пусйыны быгатысалды?
8. Кыче амалэн пөрмо макенимъѣс?
9. Мар бордын огшоры нимъѣслэн но аснимъѣслэн пөртэмлыксы?

Макенимез эскерон

- 1) вераськон люкет;
- 2) инъет кабез (ниман вошъет);
- 3) луло яке лултэм;
- 4) асним яке огшоры ним;
- 5) лыдыз;
- 6) асъян яке огшоры вошъетан;
- 7) вошъетэз (падежез);
- 8) веранын кыче ѣз луэмез.

Кылсярысь:

*Тямысѣтй классын дышетскыкум, **школаямы** ветлйз лѣтчик-майор* (Красильников Г. Тонэн кылысько).

Школаямы – макеним, инъет кабез *школамы*, лултэм, огшоры ним, одйг лыдын, асъян вошъетан (-*мы* итѣт), пырон падеж (-*я*- итѣт), югдуръѣз.

*Тодйськод на-а, меми, кыче **кыльѣсын** тон монэ дышетскыны лэзид* (Романова Г. Жужыт-жужыт гурезе).

Кыльѣсын – макеним, инъет кабез *кыльѣс*, лултэм, огшоры ним, трос лыдын (-*ѣс*- итѣт), огшоры склонение, лэсьтон падеж (-*ын* итѣт), ватсанъѣз.

*Иви но ма шуны уг тоды, **пельпумзэ** гинэ жжутка* (Романова Г. Жужыт-жужыт гурезе).

Пельпумзэ – макеним, инъет кабез *пельпумыз*, лултэм, огшоры ним, одйг лыдын, асъян склонение (-*з*- итѣт), аджон падеж (-*э* итѣт), ватсанъѣз.

Инъет литература

Алатырев В. И. Имена с аффиксом *-ос* // Записки Удм. НИИ ист., экон., лит. и языка при Сов. Мин. Удм. АССР. Вып. 19. – Ижевск: Удм. кн. изд-во, 1959. – С. 113–148.

Алатырев В. И. Специфические функции аффикса множественного числа *-ёс, -ос* в удмуртском языке // Вопросы советского финно-угроведения: Тезисы докладов. – Саранск, 1972. – С. 51–53.

Грамматика современного удмуртского языка: Фонетика и морфология / Удм. НИИ ист., экон., языка и лит. – Ижевск: Удм. кн. изд-во, 1962. – С. 69–126.

Кельмаков В. К. К вопросу о типах склонения имён существительных в пермских языках // Пермистика 6: Проблемы синхронии и диахронии пермских языков и их диалектов: Сб. статей / Удм. гос. ун-т. Кафедра общего и финно-угорского языкознания. – Ижевск: Издательский дом «Удмуртский университет», 2000. – С. 73–87.

Кельмаков В. К. Удмуртский язык в типологическом и контактологическом аспекте: Препринт / Удм. гос. ун-т. – Ижевск, 2000. – С. 23–27.

Кондратьева Н. В. Категория падежа имени существительного в удмуртском языке / Н. В. Кондратьева; Науч. ред. В. К. Кельмаков; ГОУВПО «Удмурт. гос. ун-т», факультет удмуртской филологии, Кафедра общего и финно-угорского языкознания. – Ижевск: Издательский дом «Удмуртский университет», 2011. – 254 с.

Удмурт кыллэн кылкабтодосэз (морфологиез): науч.-учеб. изд. / А. А. Алашеева, Д. А. Ефремов, Т. М. Кибардина [и др.], Росси Федерациысь дышетонъя но тодосъя мин-во, ФГБОУ ВПО «Удмурт кун университет», Удмурт кылобур фак-т, Удмурт кыля но сое дышетон амальёсыя кафедра. – Ижевск: Издательский дом «Удмуртский университет», 2011. – 21–62-тй б.

Тодметним

1. Примерьёс вылын, падежьёся вошъяса, возьматэ тодметнимлэсь валэктоно кылыныз быдэсак тупатскон (полной согласование) но оглюкето тупатскон (неполной согласование) амалэн герзаськемзэ, пусье соослэсь аспёр-тэмлыкьёссэс.

2. *Горд, мөзмыт, кужмо, секыт, ланег мугоро, выль, егит, мыйыко, аспёртэмлыко, куинь сэрего, кузётэм, толзъем* тодметнимёслэсь пörмытэ чошатон но тодмет степеньёссэс. Эскере, кыче амальёс кутйськозы но, котькуд учыре-а луыны быгато чошатон но тодмет степеньёс?

3. *-о (-ё), -тэм, -эсь (-есь), -ем, -ала (-яла), -ло, -эти (-ети), -эс (-ес)* итэтъёсын пörмем тодметнимёсты вералэ. Кудъёсыз та итэтъёс пöлысь чем кутйськись (продуктивной) луо, кудъёсыз шер кутйськись (непродуктивной)?

4. *Жог, лякыт, тулыс, мусо, чебер, жьыт, шоро-куспо* кыльёсын предложениос гожтэ, одйгаз веранын соос тодметним, мукетаз учыре музон вераськон люкет мед луозы. Эскере соослэсь аспёртэмлыкьёссэс.

5. Сётэм тодметнимёсыз кыллюкетъёся эскере, вералэ, мае возьматэ котькуд итэт:

Гордьёссэ, чеберъёсыз, аресъем, вильёсаз, паськытэсь, пичиысьтыз, кужмоосызлэн, пурысьсэ, чылкытэсь, ызьесь, шундыё.

Эскеронлы юаньёс

1. Кыче категориосыз висьясько удмурт кылысь тодметнимлэн?

2. Кыче амалэн пörмо чошатон но тодмет степеньёс?

3. Кыче валатонэн но кыче вераськон люкетъёсын кутйськыны быгатэ *-гес (-гем)* итэт?

4. Кыче амальёсын пörмо тодметнимёс?

5. Кыче вераськон люкетъёсын тодметним вылтусыз-
ья огкадь луыны быгатэ?

6. Кыче амалэн удмурт кылын герзаське тодметним
ас валэктоно кылыныз?

7. Кыче аспөртэмлыксы висьясь итэто тодметнимъёслэн?

Тодметнимез эскерон

- 1) вераськон люкет;
- 2) инъет кабез (ниман вошьет);
- 3) чөшатон степенез;
- 4) тодмет степенез;
- 5) лыдыз;
- 6) висьясь итэтэн яке висьясь итэттэк;
- 7) вошьетэз (висьясь итэтэн луыкуз);
- 8) веранын кыче ёз луэмез.

Кылсярысь:

Кабинетэ лызалэс кезьыт югыт пыре.

Лызалэс – тодметним, инъет кабез *лызалэс*, модератив
(-алэс итэт), одйг лыдын, висьясь итэттэк, тодметъёз.

*Со угось ми палан самой ёжужытэз гурезь, сопал но
тапал урамъёсты висья* (Романова Г. Ёжужыт-ёжужыт гурезе).

Самой ёжужытэз – тодметним, инъет кабез *самой
ёжужытэз*, суперлатив (*самой* кылэз ватсаса пөрме), одйг
лыдын, висьясь итэтэн (-эз), ниман падеж, тодметъёз.

Клуб милям бадзьимесь городъёсын кадь өвёл (Архи-
пов Т. Адымилэн чеберез).

Бадзьимесь – тодметним, инъет кабез *бадзьимесь*, инъ-
ет степень, трос лыдын (-есь итэт), висьясь итэттэк, тод-
метъёз.

Иньет литература

Алатырев В. И. Выделительно-указательная категория в удмуртском языке: Расширенный доклад на III Международном конгрессе финно-угроведов в г. Таллине. – Ижевск, 1970. – 74 с.

Грамматика современного удмуртского языка: Фонетика и морфология / Удм. НИИ ист., экон., языка и лит. – Ижевск: Удм. кн. изд-во, 1962. – С. 127–147.

Ефремов Д. А. Имя прилагательное в удмуртском языке. – Ижевск: Издательский дом «Удмуртский университет», 2009. – 124 с.

Кельмаков В. К. Прилагательные с суффиксом *-пыр* в удмуртском языке и их правописание // Вопросы теории и методики русского и удмуртского языков. – Ижевск, 1972. – С. 163–171.

Кельмаков В. К. Удмуртский язык в типологическом и контактологическом аспекте: Препринт / Удм. гос. ун-т. – Ижевск, 2000. – С. 28–29.

Тараканов И. В. Прилагательные, обозначающие степени качества в пермских языках // Исследования и размышления об удмуртском языке: Сб. статей. – Ижевск: Удмуртия, 1998. – С. 216–221.

Удмурт кыллэн кылкабтодосэз (морфологиез): науч.-учеб. изд. / А. А. Алашеева, Д. А. Ефремов, Т. М. Кибардина [и др.], Росси Федерацияысь дышетонъя но тодосъя мин-во, ФГБОУ ВПО «Удмурт кун университет», Удмурт кылобур фак-т, Удмурт кылья но сое дышетон амальёсыя кафедра. – Ижевск: Издательский дом «Удмуртский университет», 2011. – 65–85-тй б.

Лыдним

1. *Дас кык кылбур, сизьымдон куать, кызь витез куноос* кылтэчетьёсты падежьёсья вошьялэ но вералэ, лыднимлэн кыче аспортэмлыкьёсыз шараясько котькудаз учыре.

2. Пөрмемзья кыче вакытысь луо удмурт *одйг, кык, куинь, ньыль, вить, куать, сизьым, тямьс, укмыс, дас, сю, сюрс* лыднимьёс? Кыче воштйськоньёс пыр соос ортчиллям, мукет финн-угор кыльёсысь лыднимьёсын чөшатыса?

3. *Вить, тямьс, куамын, кык сю* лыднимьёс бордысь, пөртэм кылпөрмытон амальёсты уже кутыса, мукет вераськон люкетьёс пөрмытэ.

4. *Куамын куатез, витьтон витьназы, кыкен-кыкен, куатьтонлы, дас витям, витьтонэтьяз, кык дасмос, ньыльнаяз, дас куиньмой, кыкто, дасояз* кыльёсыз эскере но вералэ, кудьёсыз соос пöлысь луо лыднимлэн формаосыз, кудьёсыз мукет вераськон люкетьёс.

5. Лыднимьёс пöлын грамматической омонимьёс пумиськыло. Шедьтэ сыче кылкабьёсты но соосын предложение ниос малпалэ.

6. Сётэм текстьёсыз эскере но вералэ, кыче лыднимьёсты шонер гожьян правилоос кутйсько туалала газетьёсын, вань-а соослэн огъя системазы? Тйляд учкемдыя, тупамонэсь-а соос, яке кыче ке шонертэтьёс кулэ пыртыны?

А. Кунгож съорысь вуэмьёс Балезино черкогуртэз ярато, шөдске. Туннэ нуналлы тямьс муртлэн куинь арозь, нош 28-эзлэн куинь толэзёзь улыны луонлыкес вань. Балезиное соос вуэмын Азербайджанысь, Украинаысь, Казахстанысь, Грузиысь но мукет интыосысь. Жаляса верано, куд-огез ассэ кунюын шуыса вунэтэ – паспортяз уг ик учкылы. Туэ вить толэзь куспын Балезино ёрос судлэн решениезья одйг мурт уллямын, 33-ез кыл кутытон улэ кыскемын (Удмурт дунне).

Б. Промышленной предприятиос газ понна дун тыронья 7 группалы люкемын. Кылсярысь, 1-тй группас

пырысьёс **сюрс** кубометр газ сутэмзы понна **2 сюрс 486 манет 37** коньы тыро, нош **7-тй** группаысь предприятияос – **2 сюрс 661 манет 89** коньы. Калыклы туэ **нырысетй** январьысен газ дун будэтэмын **5,1** процентлы, со луиз **2 манет но 46** коньы, нош **1 апрельысен эшио 14,6** процентлы йылтэмын – **2 манет но 82** коньы луиз (Удмурт дунне).

В. Туэ со **7 предметъя** олимпиадаосы пырыськиз. Нош тужгес но бадзым вормонэн лыдъя республикаын ортчем кунсьөр кылъёсыя ёшатсконэ пырыськемзэ. Ужрад ортчиз Ижысь **22** номеро лицейын. Ёшатсконэ лыктэм **33** нылпи пöлын немец кылъя Лена **9-тй** инты басьтйз. Алигес ортчем удмурт кылъя но литературая олимпиадаын **10-тй** классын дышетскисьёс пöлын со **нырысетй** интые потйз (Удмурт дунне).

7. Сётэм предложениосысь висъям лыднимъёс кыче разрядэ пыро, веранлэн кыче ёзз луо?

1. Уть-ай, кемалась **ныльдондэ** выжид ини, нош аслад йöнала семьяед но öвöл – ныльид гинэ, чоркак **одйг** ныльид гинэ. 2. Роман Петрович соку **кыкеныз** ик председательёсын пумиськиз: Першинэн но – колхоз председателенызы, Малыхен но. 3. Жöк урдсын, книга шкафысь **одйгаз** жсажсыын, – **дасоосын** сыче ик тетрадьёс, блокнотъёс: кудъёсыз кисыын нуллымонэсь гинэ, кудъёсыз зöк книга быдзаесь (Первошиков Г. Гужем лымы). 4. Туэ тани **ныльдонэти** ар мынэ. 5. Со (Митрей) ачиз ик мыным шуэ: юртты вал, пе, **ог кык-куинь** нунал ёже, вукоз тодйськод. 6. Марым, **кыктэти** уробоелэн киндыкез олокытчы луиз. 7. **Кыкез** но **одйг** кыын вакчи гинэ гожтэмын вал. 8. Со тыльёс чем дыръя **кык** луо, адымилэн **кык** синъёсызлы пöрмо. 9. **Кыкезлэсь** пумъёссэ вöлыса, йылсаса музъеме мертчыто (Валишин Р. Тöл гурезь).

Эскеронлы юаньёс

1. Удмурт кылын лыднимъёслэн кыче разрядъёссы висьясько?
2. Удмурт кылысь лыднимлэсь кыче категориоссэ пусыны луоз?
3. Кыче аспөртэмлыксы шөдйське макенимъёслэн, лыднимен герзаськыкузы?
4. Маин пөртэм луо *-на-* итэтэн пөрмем огъясь лыднимъёс но лыдьяно-мурто нимвоштосьёс?
5. Маин огкадь но пөртэм луо лыдним но макеним, лыдним но тодметним?
6. Кыче амалэн пөрмо ёросэз возматйсь лыднимъёс?
7. Кыче вераськон люкетъёс пөрмыны быгато лыдним бордысь?
8. Кыче аспөртэмлыкъёссы тодмотэм лыдэз возматйсь кыльёслэн, удмурт кылысь вераськон люкетъёслэн сөзнэтазы кыче инты басьто соос?
9. Кыче верантодос аспөртэмлыкъёсыз лыднимлэн?

Лыднимез эскерон

- 1) вераськон люкет;
- 2) инъет кабез (ниман падеж);
- 3) разрядэз;
- 4) висьясь итэтэн яке висьясь итэттэк;
- 5) огшоры яке асьян склонение;
- 6) вошьетэз;
- 7) веранын кыче ёз луэмез.

Кылсярысь:

Дастэ кыклы люк.

Дастэ – лыдним, инъет кабез *дасэд*, көняз возматйсь, висьясь итэттэк, асьям склонение (*-т-* итэт), адзон вошьет (*-э* итэт), ватсанъёз.

Кыклы – лыдним, инъет кабез *кык*, кӧняез возьматйсь, висьясь итэтгэк, огшоры склонение, сётон вошьет (-лы итэт), ватсанъёз.

– *Милям куиньметйез эшмы*, – *нош ик валэктйз Логинов*.

Куиньметйез – лыдним, инъет кабез *куиньметйез*, радлыко (-етй- итэтэн пӧрме), висьясь итэтэн (-ез итэт), ниман вошьет, тодметъёз.

Инъет литература

Грамматика современного удмуртского языка: Фонетика и морфология / Удм. НИИ ист., экон., языка и лит. – Ижевск: Удм. кн. изд-во, 1962. – С. 148–166.

Кельмаков В. К. О сложных числительных в современном удмуртском языке // Вопросы грамматики удмуртского языка. Сб. статей / НИИ при Сов. Мин. Удм. АССР. – Ижевск. 1984. – С. 18–24.

Стрелкова О. Б. Туала удмурт кыл. Лыдним (Современный удмуртский язык. Имя числительное): Дышетон-амалтодослыко юрттос. – Ижкар: «Удмурт университет» книгапоттонни, 2011. – 37 б.

Удмурт кыллэн кылкабтодосэз (морфологиез): науч.-учеб. изд. / А. А. Алашеева, Д. А. Ефремов, Т. М. Кибардина [и др.], Росси Федерациысь дышетонъя но тодосъя мин-во, ФГБОУ ВПО «Удмурт кун университет», Удмурт кылобур фак-т, Удмурт кылья но сое дышетон амальёсыя кафедра. – Ижевск: Издательский дом «Удмуртский университет», 2011. – 88–104-тй б.

Ушаков Г. А. Числительной: стилистикаез но методикаез // Удмурт кылья но литературая урокъёс: Дышетйсьёслы юрттэт / СССР-ысь НА. УрО. История, кылья но литературая удмурт ин-т; УАССР-ысь дышетйсьёслэсь тодонзэс будэтонъя ин-т. – Ижевск, 1988. – 67–81-тй б.

Нимвоштос

1. Сэтэм текстсы шедьтэ нимвоштосъёссэ, вералэ, кыче разрядэ соос пыро, кыче амалэн герзасько валэктоно кылынызы? Кыче амалэн герзаськыны быгато на нимвоштосъёс (верамдэс ас примеръёсыныды юнматэ)?

Стройкаын кӧня организация – котькудӱзлэн аслаз командаез: УОС, АТУ, УМС, УАМР, ЛЭП... Палэнысь муртлы та букваос, вакчиятэм кылъёс, номыре но уг верало. Нош асьсэос строительёс туж зеч тодо: УОС ке – Управление основных сооружений, АТУ ке – Автотранспортное управление. Котькуд управленилэн аслаз командаез вань ке, валамон ини, вань аслаз учкисьёсыз но. Шудӱсьёс но, учкисьёс но ог-огзэс зеч тодо, соос артэ ужасьёс. Соин но, дыр, асьсэлэнъёсыз умоесь пото. «Тӱни асьмелэн ӧрзиосмы!» - данъяськыса пумитало шудон бусые потӱсь эшъёссэс. Стадионзы но «Энергия» шуыса нимаське. Бадӱым, кужмо ним. Куд-огез шуоз: кыче со стадион луоз, номыре стадионлы тупасез но ӧвӧл на бере (Архипов Т. Адымилэн чеберез).

2. *Ог-огды, тон, милямез, котькудӱз, ваньды, соиз, олокин, номыр* нимвоштосъёсты падежъёсья вошъялэ но вералэ, кыче аспӧртэмлыкъёссы шараясько?

3. Сэтэм нимвоштосъёслэсь шедьтэ инъет кабзэс, вералэ, кудъёсыз кутӱсько висъясь итэтъёсын, нош кудъёсылэн вань асьян итэтъёссы:

Котькудзылэсь, но кычӱезлэн но, ваньмаз, милесьтымъёссэ, ог-огзэс, олокӧняеныз, котьмаин, тӱлядэз, таяз, соизлэн, ваньзылы, огназы, аслаз, тамындаезлэн, аслэсьтыз, котькудысьтыз, таӱеосаз, олокудмылы, аслэсьтыззэ.

4. Вералэ, кыче вераськон люкетъёс интые кутӱськыны быгато нимвоштосъёс. Верамдэс ас малпам шуосъёсыныды юнматэ.

Эскеронлы юаньёс

1. Вералэ, ма огкадез нимвоштослэн но макенимлэн, нимвоштослэн но тодметнимлэн, нимвоштослэн но лыднимлэн?
2. Удмурт кылысь нимвоштосъёс кыче разрядъёслы люкисько?
3. Кыче амальёсын пөрмо нимвоштосъёс?
4. Кызы нимвоштосъёс падежъёся вошъясько?
5. Ма герза но пöртэм каре нимвоштосъёсты но нимвоштос выллем сямкыльёсты?
6. Кызы пөрмо асян нимвоштосъёс?
7. Кыче нимвоштосъёс куспазы грамматической омоним луо?
8. Мурто нимвоштосъёс: мар соосты огазея, нош мар пöртэм каре?
9. Кыче нимвоштосъёс кутыны быгато висъясь итэт?

Нимвоштосэз эскерон

- 1) вераськон люкет;
- 2) инъет кабез;
- 3) разрядэз;
- 4) лыдыз;
- 5)* висъясь итэтэн яке висъясь итэттэк;
- 6) вошъетэз;
- 7) веранын кыче ёз луэмез.

Кылсярысь:

Со дышмын өвөл футболэ ветлыны. Отысь номыр но кельшымонзэ уг адзы (Архипов Т. Адямилэн чеберез).

Со – нимвоштос, инъет кабез *со*, ас мурто, одйг лыдын, ниман вошъет, бадзымъёз.

* Нимвоштослэн котькуд разрядэзлэн висъясь итэтэз луыны уг быгаты

Номыр – нимвоштос, инъет кабез *номыр*, öвöлтйсь (но- азитэтэн пöрмемын), одйг лыдын, адзöн вошьет, ватсанъёз.

Ваньмаз сямен коркаосы пыраме но вань (Красильников Г. Гонэн кылисько).

Ваньмаз – нимвоштос, инъет кабез *ваньмыз*, тодмос-тйсь, трос лыдын, висъясъ итэтэн (-з), пырон вошьет (-а-итэт), тодметъёз.

Инъет литература

Грамматика современного удмуртского языка: Фонетика и морфология / Удм. НИИ ист., экон., языка и лит. – Ижевск: Удм. кн. изд-во, 1962. – С. 167–187.

Кельмаков В. К. Удмуртский язык в типологическом и контактологическом аспекте: Препринт / Удм. гос. ун-т. – Ижевск, 2000. – С. 30–31.

Тараканов И. В. К вопросу о классификации разрядов местоимений в пермских языках // Пермистика 5: Сб. статей / Удм. гос. ун-т. – Ижевск: Изд-во «Удм. ун-т», 2002. – С. 216–221.

Тараканов И. В. Туала удмурт кыл: Нимвоштос. Азыпечатлос / Удмурт кун университет. – Ижкар: «Удмуртский университет» книга поттон корка, 2003. – 32 б.

Удмурт кыллэн кылкабтодосэз (морфологиез): науч.-учеб. изд. / А. А. Алашеева, Д. А. Ефремов, Т. М. Кибардина [и др.], Росси Федерациысь дышетонъя но тодосъя мин-во, ФГБОУ ВПО «Удмурт кун университет», Удмурт кылосбуф фак-т, Удмурт кыля но сое дышетон амальёсыя кафедра. – Ижевск: Издательский дом «Удмуртский университет», 2011. – 108–138-тй б.

Каронкыл

1. Сѣтэм каронкылѣслэсь таѣ котретѣс кылдытэ: выжись, ньѣмо, возвратной, трослыко видѣем, понудительной залоген каронкылѣс:

Гожъяллямы, ветлытїз, гожъямъяськылэ, воштїськиз, малпалляны, кутскиз, вордскиз, валасько, ужалляд, ветлїллям, басьтыто, сынаськемъяськиз, бѣрзытїй, гудыръяське, ѳошатїсько, бертылїськод, вузаське, мертїллям, вунэтїськем, вераськытїм, малпалляй, вожъяськиськод, эн пыра, изем кариз, бере кылиз, жўтске, ѳй малпаськы, уг ужаськы, уд вунэты, ужам карылэ.

2. Сѣтэм каронкылѣсты кулэ формае пунктэ:

Пумитаны – трослыко вид, тодмотэм ортчем дыр, кыкетїй лицо, одїг лыд – _____;

Вераськыны – трослыко вид, кема ортчем дыр, куинетїй лицо, трос лыд – _____;

Кылзїськыны – трослыко вид, ньѣмо, I азвыл ортчем дыр, куинетїй лицо, одїг лыд – _____;

Басьтыны – одїглыко вид, луонлык сям, одїг лыд, кыкетїй лицо – _____;

Утчаны – одїглыко вид, ньѣмо, тодмо ортчем дыр, одїг лыд, нырысетїй лицо – _____;

Малпаськыны – одїглыко вид, косон сям, трос лыд, кыкетїй лицо – _____;

Бѣрдыны – одїглыко вид, ньѣмо, тодмо ортчем дыр, куинетїй лицо, одїг лыд – _____;

Адзїськыны – трослыко вид, тодмотэм ортчем дыр, куинетїй лицо, трос лыд – _____;

Бертыны – трослыко вид, понудительной залог, кема ортчем дыр, куинетїй лицо, одїг лыд _____.

3. Каронкылѣс пѣлын кыѣе омоформаос пумиськыло? Возьматэ примерѣс вылын, кызы соосты ог-огзылэсь висьяны луэ.

4. Сѣтэм каронкыльѣслэсь кылпөрмытйсь итэтъѣссэс пусье но вералэ, кыѣе кыл бордысь соос пөрмемын:

Узыяны, нуназеяны, жингыртыны, мажсаны, шунтыны, выжыны, зорыны, чеберманы, йыганы, жьытмыны, пересьмыны, пеньзыны, куаньгетыны, гордэқтыны, чипсыны, тодманы, вильдыны, көсэқтыны.

5. Текстусь каронкыльѣссэ шедьтэ, пусье иньет кабзэ, вакчияк анализ лэсьтэ.

Бакча беръёсын сыло лабрес куакъёс, шаян тёл возь вылысь турнам турынлэсь ческыт зынзэ вуттэ, отын турын зуродъёс адзисько но мажсаськись нылъѣслэн кырзэм гурзы чузъяське. Арамаысь пөртэм тылобурдоослэн чипсэмзы, чирдэмзы омырез пөртэм куараосын напчыто. Вылйын, пилемтэм лыз инмын, оген тури лоба но музейм вылысь гажан кузпалэзлы жингрес куараеныз вазиськылэ. Оло ке Викторез-а пумитаса, шумпотэмзэ вера? Пыласькыны дасяськыса, ярдурын сылэ шудо солдат. Мугораз тросэтй вуж яра бервыльѣсыз адзиськыло (Е. Самсонов. Уй пал симфония).

Гуртамы яблокнуос өжыт вал. Ма, одйген-кыкен тросэзлэн вал но, емышъёссы шер луылйзы. Соин ик милемлы, пичиослы, яблок туж ческыт потылйз, чырссэ но шумпотыса сивылйм. Вуымтэез, чыртые чак-чак пуксисез но өз мыльылы. Пересь дядяе понназ улйз, бултыр кышноен. Милемыз сокем ик палаз уг кары вал, соин, лэся, доразы шер ветлылйм. Но сйзыл пал мон, кыѣе ке муг шедьтыса, одно ик со доры мыныны тыришсько вал: соку соослэн яблоксы вуылйз. Монэ пересь дядяе но бабамы (бултыр кышнозэ озьы шуисько вал) садазы ноку өз лэзьялэ, кудзы ке асьсэос пото но тэркыен я пичи корзинаен пыртыса сѣто. Пичи выныным сое көттырмонамы сииськом. Кыкетйзэ доразы уг мынйськы ни вал – монэн көсытгес вераськемысьтызы-а, мар-а пыдьёс уг кыско ни (Г. Романова. Жужыт-жужыт гурезе).

Эскеронлы юаньёс

1. -л(ы)- но -ля- итэтьёсын сяна, кыће амальёсын пөрмо на трослыко видьем каронкыльёс, В. И. Алатыревлэн малпамезья?

2. Кыће тодосчиос ужало удмурт кылысь каронкыльёсты эскерон бордын. Вакчияк вералэ соослэн ужьёссы сярись.

3. Кыће каронкыл сямьёс висьясько удмурт кылын?

4. Вералэ, кыће амальёсын пөрмо каронкыллэн ортчем дыр кабьёсыз.

5. Мар бордын пөртэмлыксы выжись но выжисьтэм каронкыльёслэн?

6. Кыће залогьёс висьясько удмурт кылын?

7. Мар со ньём категория, кыће амальёсын со пөрме?

8. Кыће амальёсын пөрмо мурттэм каронкыльёс? Кыће пуштросэн соос кутйсько?

9. Удмурт кылысь каронкыллэн иньет кабез сярись кыће малпаньёс вань туалала тодосын?

Каронкылэз эскерон

1) вераськон люкет;

2) иньет кабез;

3) спряжениез;

4) выжись яке выжисьтэм;

5) возвратной яке возвратной луисьтэм;

6) понудительной яке понудительной луисьтэм;

7) видэз;

8) ньөмо яке ньөмтэм;

9) сямез (наклонениез);

10) дырыз;

11) муртэз (лицоез);

12) лыдыз;

13) веранын кыће ёз луэмез.

*Ух, Алёшка, мон али тонэ улэпкын **сиысал*** (Красильников Г. Тонэн кылысько).

Сиысал – каронкыл, инъет кабез *сиыны*, нырысетй спряжение, выжись, возвратной луисьтэм, понудительной луисьтэм, одйглыко вид, ньöмтэм, луонлык сям (-сал итэт), йырьёз.

*Мукетьёсыз позырьяськыса ик шонер ответ шедьтыны **тыршемьяськысалзы*** (Самсонов Е. Уй пал симфония).

Тыршемьяськысалзы – каронкыл, инъет кабез *тыршемьяськыны*, нырысетй спряжение, выжисьтэм, возвратной луисьтэм, понудительной луисьтэм, одйглыко вид, ньöмо (-емьяськы- итэт), луонлык сям (-сал- итэт), куинетй лицо (-з- итэт), трос лыд (-ы итэт), йырьёз.

*Скамьяос вылэ отчы но татчы егит параос **пуксьылйллям*** (Архипов Т. Адямилэн чеберез).

Пуксьылйллям – каронкыл, инъет кабез *пуксьылыны*, нырысетй спряжение, выжисьтэм, возвратной луисьтэм, понудительной луисьтэм, трослыко вид (-л- итэт), ньöмтэм, ивортон сям, тодмотэм ортчем дыр (-йллям итэт), куинетй лицо, трос лыд, йырьёз.

*Тани праздник азелы чебергес газет **поттоно*** (Красильников Г. Арлэн кутсконэз).

Поттоно – каронкыл, инъет кабез *поттыны*, нырысетй спряжение, выжись, возвратной луисьтэм, понудительной луисьтэм, одйглыко вид, ньöмтэм, мурттэм (-оно итэт), йырьёз.

Инъет литература

Алатырев В. И. Глаголы притворного действия // Вопросы удмуртского языкознания / Удм. НИИ ист., экон., языка и лит. Т. 1. – Ижевск: Удм. кн. изд-во, 1959. – С. 73–139.

Грамматика современного удмуртского языка: Фонетика и морфология / Удм. НИИ ист., экон., языка и лит. – Ижевск: Удм. кн. изд-во, 1962. – С.188–257.

Каракулова М. К. Категория вида в удмуртском языке // Пермистика 4: Пермские языки и их диалекты в синхронии и диахронии: Сб. статей / Удм. ун-т. Кафедра общего и финно-угорского языкознания. – Ижевск, 1997. – С. 43–52.

Кельмаков В. К. Удмуртский язык в типологическом и контактологическом аспекте: Препринт. Удм. гос. ун-т. – Ижевск, 2000. – С. 32–33.

Поздеев В. В. Категория фиктивности действия в современном удмуртском языке // Вестник Удмуртского университета. – 1994. № 7. – С. 11–15.

Поздеева А. А. Значения и функции *-ськ-* и его вариантов в удмуртском языке // Вопросы удмуртского языкознания: Сб. статей / Удм. НИИ ист., экон., лит. и языка при Сов. Мин. Удм. АССР. – Ижевск, 1975. – С. 125–142.

Тараканов И. В. Повелительное наклонение, формы его выражения и их значения в удмуртском языке // Вопросы грамматики удмуртского языка: Сб. статей / НИИ при Сов. Мин. Удм. АССР. – Ижевск, 1984. – С. 25–37.

Тараканов И. В. Условное наклонение, его значения и происхождение суффикса *-сал* в удмуртском языке // Исследования и размышления об удмуртском языке: Сб. статей. – Ижевск: Удмуртия, 1998. – С. 168–181.

Удмурт кыллэн кылкабтодосэз (морфологиез): науч.-учеб. изд. / А. А. Алашеева, Д. А. Ефремов, Т. М. Кибардина [и др.], Росси Федерациясь дышетонъя но тодосъя мин-во, ФГБОУ ВПО «Удмурт кун университет», Удмурт кылобур фак-т, Удмурт кылья но сое дышетон амальёсья кафедра. – Ижевск: Издательский дом «Удмуртский университет», 2011. – 141–253-тй б.

Каронним

1. Умой дышетскисез пияи, лыдземез книга, чужек-тэмьёсыз куаръёс кылсочетаниосты падежьёсья вошьялэ. Эскере, кароннимлэн кыче аспөртэмлыкьёсыз шараясько. Итэтьёссэ тодмостэ.

2. Гожтыны, малпаськытыны, адзылыны, кошкыны, бертылыны, иземьяськыны, вамышьяны, дйяськыны, вайытыны, суредаляны каронкыльёс бордысь пөртэм амальёсын кароннимьёс пөрмытэ но вералэ, каронкыллэн кыче тодметьёсыз выжизы кароннимлы?

3. Пусье, кыче каронкыл бордысь пөрмемын та кароннимьёс. Висьялэ соос пöлысь: а) выжись кароннимьёсты; б) трослыко видьем кароннимьёсты; в) понудительной залоген кароннимьёсты; г) возвратной кароннимьёсты.

Выжись, өвöлтйсь, гожьяськытйсь, малпаськымон, валчаяно, берыктэм, валэктылйсь, вераськытйсь, висьям, лыдзылэм, пумиталлямтэ, шумпотылйсь, синмаськымон, шумпоттйсь, паймымон, дйяськымтэ, кузьмамон, эскероно, пельтылйсь, радъятйсь, вельдоно, лэсьтымтэ, кылйськылйсь, кырзаллямтэ.

4. Адзись, пумиськем, басьтоно, кутскем, лэсьтымтэ, суредам, паймымон кыльёсын предложениос малпалэ, соос каронним но мукет вераськон люкет луыса мед кутйськозы.

Вералэ, кыче вераськон люкетьёсын кароннимьёс вылтуссыя огкадь луыны быгато.

Эскеронлы юаньёс

1. Мар огкаdez но пөртэмез кароннимлэн но каронкыллэн, кароннимлэн но тодметнимлэн?

2. Кыче итэтьёсын пөрмо кароннимьёс? Кыче валатонэн соос кутйсько?

3. Кыче итэтьёсын пөрмо өвöлтйсь валатонэн кароннимьёс?

4. Кызы вошъясько висьясь итэтэн кароннимъёс?
5. Кыће амалэн герзасько кароннимъёс валэктоно кылынызы?
6. Кыће итэтэн пөрмем кароннимъёс быгато макениме выжыны?

Кароннимез эскерон

- 1) вераськон люкет;
- 2) инъет кабез (ниман падежез);
- 3) кыће каронкыллэсь но кыће итэтэн пөрмемын;
- 4) спряжениез;
- 5) выжись яке выжисьтэм;
- 6) возвратной яке возвратной луисьтэм;
- 7) понудительной яке понудительной луисьтэм;
- 8) видэз;
- 9) ньөмо яке ньөмтэм;
- 10) висьясь итэтэн яке өвөл;
- 11) вошъетэз (висьясь итэтэн луыкуз);
- 12) лыдыз (висьясь итэтэн луыкуз);
- 13) веранын кыће ёз луэмез.

Кылсярысь:

Ижкарын улйез агае Москваысь басьтэм фотоаппаратсэ кузьмаз.

Улйез – каронним, инъет кабез *улйез*, пөрмемын *улыны* каронкыллэсь *-ись* итэтэн, нырысетй спряжение, выжисьтэм, возвратной луисьтэм, понудительной луисьтэм, одйглыко вид, ньөмтэм, висьясь итэтэн (*-ез* итэт), ниман вошъет, одйг лыд, тодметъёз.

Басьтэм – каронним, инъет кабез *басьтэм*, пөрмемын *басьтыны* каронкыллэсь *-эм* итэтэн, нырысетй спряжение, выжись, возвратной луисьтэм, понудительной луисьтэм, одйглыко вид, ньөмтэм, висьясь итэтгэк, тодметъёз.

Юся кыскиз вуколэсь тунгонамтэ ёссэ (Валишин Р. Төл гурезь).

Тунгонамтэ – каронним, инъет кабез *тунгонамтэ*, пӧрмемын *тунгонаны* каронкыллэсь *-мтэ* итэтэн, нырысетий спряжение, выжись, возвратной луисьтэм, понудительной луисьтэм, одйглыко вид, ньӧмтэм, висьясь итэтгэк, тодметъёз.

Инъет литература

Грамматика современного удмуртского языка: Фонетика и морфология / Удм. НИИ ист., экон., языка и лит. – Ижевск: Удм. кн. изд-во, 1962. – С. 257–269.

Калинина Л. И. К вопросу об употреблении причастий на *(-ись) -сь* в сочетании с глаголом *луыны* // Вопросы удмуртского языкознания / Удм. НИИ ист., экон., лит. и языка при Сов. Мин. Удм. АССР. Вып. 2: Сб. статей и материалов. – Ижевск, 1973. – С.111–112.

Калинина Л. И. Адъективация причастий на *-(и)сь* // Вопросы удмуртского языкознания / Удм. НИИ ист., экон., лит. и языка при Сов. Мин. Удм. АССР. Вып. 3: Сб. статей. – Ижевск, 1975. – С. 58–64.

Калинина Л. И. Категориальная сущность причастий на *-(о)н* // Вопросы грамматики удмуртского языка: Сб. статей / НИИ при Сов. Мин. Удм. АССР. – Ижевск, 1984. – С. 59–66.

Калинина Л. И. Причастия на *-мон* в удмуртском языке // Вопросы фонетики и грамматики удмуртского языка: Сб. статей / НИИ при Сов. Мин. Удм. АССР. – Устинов, 1986. – С. 84–99.

Удмурт кыллэн кылкабтодосэз (морфологиез): науч.-учеб. изд. / А. А. Алашеева, Д. А. Ефремов, Т. М. Кибардина [и др.], Росси Федерациысь дышетонъя но тодосъя мин-во, ФГБОУ ВПО «Удмурт кун университет», Удмурт кылобур фак-т, Удмурт кыля но сое дышетон амальёсья кафедра. – Ижевск: Издательский дом «Удмуртский университет», 2011. – 259–270-тй б.

Каронсям

1. Текстсыь шедьтэ каронсямъёсты но кароннимъёсты. Вералэ, кыче каронкыл бордысь соос пөрмемын, кыче формаын сыло.

Кемалась дышемьин ке но ини, лыдзисьёсыныз пумиськон аяз Роман Петрович котькугес ик шугъяськыліз. Огласянь, шорад пыр-пыр мертчиськыса, тонэ выльысь трос дасо я воксё сюосын тодмотэм синъёс сійсьялозы. Мукет ласянь, мар вералозы ини таос тынад книгаед сярысь, кыче дунъет сётозы, кыче юанъёсын сапкозы? Соиз гинэ ярам ай. Главноез – сыче пумиськонъёс дыръя вераськон, соизлэн я таизлэн произведенилэн педпалаз потыса, чемысь олокытчы но кожа, олокыче но удысьёсы өръяськылэ. Соку ини тон, ас «нылыд-пиед» понна гинэ өвёл, вань литература понна кыл кутано луськод; огшоры автор но өвёл ни кадь тон – вань писательёслэн ыстэм адымызы. Сотэк-а Роман Петрович – коть конференция со медло, коть огшоры пумиськон! – дораз куддыр-куддыр, лумбыт чоже узвесь коръёсты выретэм мурт кадь, луть-луть жадьыса вуэ, я выль вероссэ, выль повестьсэ йылпумъямез бере выллем, кыче ке чылкак кынартэм кыле. Соин ик тйни котькытын медло вуоно пумиськонэз, со сярись малпаськыса, Роман Петровичез, тужгес но сюрес вылэ потысааз ини, шугъяськон ыросъёс нюлышъяны кутско.

Туннэ но чапак озыы. Шонергес вераса, азьвыльёсы сярись, туннэ со ыросъёс юнгес но пелляло кадь. Өйтөд, берло вакыт сюлмыз интыяз өвёл но соингес-а, мар-а. Зэм, строительёслэн клубазы люкаськемъёс кытй-отй укыргес ке но кадь «дэмзылызы», либытак, шунытак учкылйсь синъёс солэсь сюлэмшугзэ нумен сълмытйызы, мылзэ-кыдзэ небзйтйызы, няськатйызы, эграос но Ринаез котыртй бергась юзмыт малпанъёссэ кытчы ке озэлтйызы, нош отйяз, повестез сярись шуныт кылъёс сълмаз шокыштыса, солы

воксё но капчи, льякыт, эркын луиз: конференциын но уг пукы ни кадь со – кемалась тодмо, матысь эшгёсыныз пумиськон вечерын я шулдыр ёжк сёрын.

Но тани, чебер уйвот пыр выллем, Петровлэсь но Григорьев Володялэсь нимгёссэс кылыса, со саяк кариськиз но, «шулдыр ёжк сёрысьтыз» султыны весь ёдытэкгес на, возьмамтэ шорысь кыче ке... шорияк вайяськыны шотаз кадь: огпалыз татчы ик, калыкен тырмытэм залэ кылиз, мукетыз Эгра пальёсы сётйськыны одъяз. Та йёспортэм адёназ пыдлогес но пыдлогес зымыса, нырысьвалысь со мазэ-созэ ноказыны но валаны оз быгаты – бус пёлысь чильпырась посёлкелэн шораз школа, со школалэн укнояз Алевтина Никитичналэн тусбуез кылдыса но соин Петров, Григорьев, Загребин сярэсь вераськемзэс тодаз вайыса гинэ ини, кызы-марзэ йондырыны шотаз. Со виын, Роман Петровичлэсь та адёнзэ пыргытыса, ёырдыт кичабконгёс пальккиськызы но со, сак кылзэм интые, тазы олокытёостй поръямысьтыз, котыр калыклэсь умойтэм йотыса, ассэ ачиз кужмысь залэ пыртйз. Но кема ик пукыны оз чида – кытй ке овёл выльысь тодмо школа азын ини. Собере, шуак усётйськем школа осысь вордйськыса выллем, син аяз нош ик автостанция дорысен адзем кышкыт суредэз пуксиз. Уд, ноку но уд мозмы, нокутчы но уд пегзы, уд ватскы, шодске, та суредлэсь (Г. Перовошиков. Гужем лымы).

2. Сётэм предложениосты огазеялэ, каронсямгёсты уже кутыса. Вералэ, кыче валатонэн соос кутйсько.

1. Шунды пуксе. Куазь кезыт кариське. 2. Ёош дышетскем эшгёс огазе кариськызы. Ог-огзылы улэм-вылэмзы сярэсь веразы. 3. Дышетйсь студентгёслэсь контрольной ужгёссэс эскериз. Со дыре коридорын сюлэмшугьяськыса вামышгямгёс гинэ кылйськылйзы. 4. Кылем гужем мон зарезь дурын шутэтски. Отын тодмо писателен тодматски. 5. Вазь ёкна ик мон уже кошки.

Їукна иворъёсыз ой ни кылзы. 6. Катя апай бускелез доры потйз. Со дыр чоже нълпиосыз азбарез чужизы, бакчаысь будосъёс вылэ ву но киськазы. 7. Мон Египетэ ой мынысал. Со интые кытын ке но гурезъёсын шутэтскысал. 8. Миша кылем гужем дышетсконзэ йылпумъяз. Соку ик эшеныз уйпала уж утчаны кошкыз.

3. Кыће каронсямъёс мукет вераськон люкет луыса кутйськыны быгато? Примеръёс гожтэ.

Эскеронлы юанъёс

1. Мар огкаdez но пöртэмез каронсямлэн но каронкыллэн, каронсямлэн но сямкыллэн?

2. Кыће итэтъёсын пöрмо каронсямъёс?

3. Кыће каронсямъёс асьян итэтэн кутйськыны быгато? Возматэ примеръёс вылын.

4. Мае валэктыны быгато каронсямъёс?

Каронсямез эскерон

1) вераськон люкет;

2) кыће каронкыллэсь но кыће итэтэн пöрмемын;

3) спряжение;

4) выжись яке выжисьтэм;

5) возвратной яке возвратной луисьтэм;

6) понудительной яке понудительной луисьтэм;

7) видэз;

8) ньöмо яке ньöмтэм;

9) асьян итэтэн яке итэттэк;

10) веранын кыће ёз луэмез.

Кылсярысь:

Кузё кышно, Катъырнаез детдоме дасякуз, солэн дй-сез-кутэз пöлын бугыръяське (Р. Валишин. Узвесь пыры).

Дасякуз – каронсям, пöрмемын *дасыны* каронкыллэсь -ку итэтэн, кыкетй спряжение, выжись, возвратной луисьтэм, понудительной луисьтэм, одйглыко вид, ньöмтэм, асьян итэтэн (-з), югдуръёз.

Мае гинэ мон татын улытозям ой адзылы (К. Митрей. Сурсву).

Улытозям – каронсям, пөрмемын улыны каронкыллэсь *-тоз(я)-* итэтэн, нырысетй спряжение, выжисьтэм, возвратной луисьтэм, понудительной луисьтэм, одйглыко вид, ньөмтэм, асьян итэтэн, югдурьёз.

Шыпыт куараен, дыртытэк кусказы верасько анаез но пиез (Валишин Р. Төл гурезь).

Дыртытэк – каронсям, пөрмемын дыртыны каронкыллэсь, нырысетй спряжение, выжисьтэм, невозвратной, непонудительной, одйглыко вид, ньөмтэм, асьян итэт-тэк, югдурьёз.

Иньет литература

Грамматика современного удмуртского языка: Фонетика и морфология / Удм. НИИ ист., экон., языка и лит. – Ижевск: Удм. кн. изд-во, 1962. – С. 269–293.

Перевошиков П. Н. Деепричастия и деепричастные конструкции в удмуртском языке. – Ижевск: Удм. кн. изд-во, 1959. – 325 с.

Удмурт кыллэн кылкабтодосэз (морфологияез): науч.-учеб. изд. / А. А. Алашеева, Д. А. Ефремов, Т. М. Кибардина [и др.], Росси Федерацияысь дышетонъя но тодосъя мин-во, ФГБОУ ВПО «Удмурт кун университет», Удмурт кылобур фак-т, Удмурт кылья но сое дышетон амальёсья кафедра. – Ижевск: Издательский дом «Удмуртский университет», 2011. – 273–290-тй б.

Шутов А. Ф. Абсолютные обороты в удмуртском языке // Советское финно-угроведение. – №4 (XIV). – 1978. – С. 283–289.

Шутов А. Ф. Туала удмурт кыл: Каронсям. Азьпечатлос / Удм. кун университет. Туала удмурт кылья но сое дышетон амальёсья кафедра. – Ижкар: «Удм. ун-т» книга поттон корка, 2003. – 24 б.

Сямкыл

1. Сётэм сямкыльёслэсь чөшатон степеньзэс пусье. Вералэ, кудьёсызлэн со луыны уг быгаты:

Вазь, юнме, каллен, кыктой, тырмыт, тулыс, уллала, кытын ке, лумбыт, кыдёкын, палэнэ, огшоры, кырыж, трос, азыло, татын, берлань, нырысь, нуназе, шыпыт, кемалась, чукна, али.

2. Кыће вераськон люкет луыны быгато *гужем, чебер, чырткем, шуныт, чукна, трос* кыльёс? Соосын предложениос малпалэ.

3. Сётэм предложениосысь сямкыльёссэ шедьтэ, вералэ, мае соос возматэ, кыће разрядэ пыро:

1. Табере уни Романовлэн шудэмезъя параос нялмыт котыръясько. 2. Ма отын усто луоз, квалификация басьтод, дун но ятыргес тырозы. 3. Чыдонтэм чебер кырза вылэм Надежда Алексеевна. 4. Озы солэн анаез, чылкыт, чыжыт егит кышномурт, арняскын чылкак кӧдэктӱз. 5. Уин нуназе кадъ югыт луоз. 6. Мон сое туннэ сменаез бере ик татчы кыскаса ваи. 7. Зэм но, чукна со вазь кошке, жыытазе бер, жадьыса бертэ. 8. Нырысь чус пукизы: туж, лэся, шӧдтэк шорысь луиз, Елисеевлэн куалектэм синъёсыз солань-талань бызьыло. 9. Соку ик ваньзы умме усизы. Елисеев секыт шока, Остапенко ныр пыртӱз векчи шула, Ямаев ымыныз тяпкетэ но жӱшитэ. 10. Туж шуг, туж секыт ке но, чабъяськоно, толло но туннэ нуналэн гинэ өвӧл, чуказе нуналэн улоно (Т. Архипов. Адымилэн чеберез).

4. Мар со состояниез возматӱсь категория? Кыће аспӧртэмлыкӱёссыя соосыз висъяны луэ? Сыће кыльёсын предложениос малпалэ.

5. *-быт, -скын, -ак (-як), -ой, -эн (-ен)* но мукет итӱгъёсын выль сямкыльёс кылдытэ. Вералэ, кыће вераськон люкет бордысь соос пӧрмо.

Эскеронлы юаньёс

1. Сямкыллэн кылрадьян тодметьёсыз.
2. Югдур (обстоятельственной) сямкыльёс. Кыће котретьёсы соосты огазеляло?
3. Тодмостйсь (определительной) сямкыльёс. Кыће соослэн аспёртэмлыкьёссы?
4. Нимвоштос выллем сямкыльёс (местоимённой наречиос). Мар соослэн огъяз но пёртэmez?
5. Кыће мукет вераськон люкетъёсын вылтуссыя сямкыльёс огкадь луыны быгато?
6. Кыће амальёсын но кыће вераськон люкетъёс бордысь пөрмо сямкыльёс?

Сямкылэз эскерон

- 1) вераськон люкет;
- 2) разрядэз;
- 3) ёшатон степенез но тодмет степенез (вань ке);
- 4) веранын кыће ёз луэмез.

Кылсярысь:

*Изошуре ремесленникъёс сокем **чём** уг вуыло, дыр, соин ик **йёногес** возьматсконо* (Г. Красильников. Ас гуртын).

Чём – сямкыл, кызыез возьматйсь, инъет степень, югдуръёз.

Йёногес – сямкыл, кызыез возьматйсь, компаратив, югдуръёз.

Котькытчы нырдэ чуртнаськод, техникаез ке **юн** тодысалыд (Архипов Т. Адямилэн чеберез).

Котькытчы – сямкыл, интыез возьматйсь, югдуръёз.

Юн – сямкыл, кызыез возьматйсь, инъет степень, югдуръёз.

Иньет литература

Алашеева А. А. Нимвоштос выллем сямкыльёс // Вордскем кыл. – 2003. – № 5–6. – 33–35-тйй б.

Алашеева А. А. Туала удмурт кыл: Сямкыл. Азьпечатлос / Удм. кун ун-т. Туала удмурт кылья но сое дышетон амальёсья кафедра. – Ижкар: «Удм. ун-т» книга поттон корка, 2003. – 31 б.

Алашеева А. А. Кыллюкеттодосын (морфологиын) висьяны шуг луись кыльёс // Вордскем кыл. – 2002. – №2. – 31–33 б.

Грамматика современного удмуртского языка: Фонетика и морфология / Удм. НИИ ист., экон., языка и лит. – Ижевск: Удм. кн. изд-во, 1962. – С. 294–313.

Удмурт кыллэн кылкабтодосэз (морфологиез): науч.-учеб. изд. / А. А. Алашеева, Д. А. Ефремов, Т. М. Кибардина [и др.], Росси Федерациысь дышетонъя но тодосья мин-во, ФГБОУ ВПО «Удмурт кун университет», Удмурт кылобур фак-т, Удмурт кылья но сое дышетон амальёсья кафедра. – Ижевск: Издательский дом «Удмуртский университет», 2011. – 295–321-тй б.

Шибанов А. А. Заимствованные наречия в удмуртском языке // История, современное состояние, перспективы развития языков и культур финно-угорских народов: Материалы III Всероссийской научной конференции финно-угроведов / Институт языка, литературы и истории Коми НЦ УрО РАН. – Сыктывкар, 2005. – С. 221–224.

Тодэ ваён

1. Сётэм кылъёсты вераськон люкетъёсыя эскере:

Ныльназылэсь, кудъёсызлэсь, инкуазысьтымы, гордъёсызлэн, лызэктэмъёсызлэн, вераськылыкуды, малнаськиды, нылпиосмытэк, визьмозэ, пиосмуртъёстэк, соослэсьсэ, вামышьёсыныды, дасмосысьтыз, чылк-чылкесь, пумиськылоды, ужатозяды, чеберъёсыныз, нокудзылы но, азямы.

2. Сётэм кылъёс пöлысь висъясь суффиксэн кутйсь-кисъёссэ пусъе, итэтсэ тодмостэ:

Нылпиосыдлэсь, чеберъёссэ, ог дасоезлы, тунсыкоесь, мусоезлэсь, гожтэтъёсысьтыз, выльёсысьтыз, кычезэ ке, милямъёсыз, тынад, асьмелэсь, ваньзылэн, куамынэти, витьтонысь, малпанъёстэс, вужъёссэ, вужмемъёсыныз.

3. Шонер валэктонзэ быръе:

1. Быдэстэ та веранэз: «Макеним – со сыче вераськон люкет, кудйз ...»:

- а) возматэ адямилэсь но пудо-животлэсь мылкыдзэс;
- б) вера лыд сярысь;
- в) возматэ арбериосты но явлениосты;
- г) возматэ арбериослэсь аспöртэмлыксэс.

2. Инъет кабен макенимен кылгерзетъёсысь луэ:

- а) *котькуд адямилэн;*
- б) *Лев Толстой;*
- в) *уж дурын;*
- г) *адямилэн шуг-секытёсыз.*

3. Кыче итэт ватсаське знаменатель луись лыдним борды?

- а) *-о/-ё;*
- б) *-эти/-етй;*
- в) *-тэк;*
- г) *-мос.*

4. Луонлык сямен каронкылэн кылтэчет луэ?

а) *Маша пизэ лыдзиськытэ*;

б) *куазь салкым кариське*;

в) *гуртэ бертысал*;

г) *кочышти шудэмьяське*.

5. Пусье *нокудзылы но* нимвоштолэсь ниман падеж формаэ:

а) *нокин но*;

б) *нокудзы но*;

в) *нокудйз но*;

г) *нокуд*.

4. Макенимъёсты таёе формаосы пунктэ:

а) *нюлэс* – одйг лыд, интыян вошъет _____;

б) *эи* – трос лыд, возъматон падеж _____;

в) *книга* – трос лыд, асьян склонение (одйг лыд, 1-тй лицо), сётон вошъет _____;

г) *уж* – одйг лыд, асьян склонение (трос лыд, 2-тй лицо), адзён вошъет _____;

д) *пинал* – одйг лыд, асьян склонение (трос лыд, 3-тй лицо), люкон вошъет _____;

е) *инты* – трос лыд, огшоры склонение, адзён вошъет _____;

ж) *нылти* – трос лыд, асьян склонение (трос лыд, 2-тй лицо), люкон вошъет _____;

з) *малпан* – одйг лыд, асьян склонение (трос лыд, 1-тй лицо), потон вошъет _____.

5. Сётэм текстись шедьтэ каронкыл бордысь пөрмем кылъёсты, вералэ, кыёе вераськон люкет луо соос, кызыы пөрмемын но кыёе формаын сыло.

Ортчизы аръёс. Будйзы пиос. Заводэ ужаны пыры-тояз, Кирло Леким Зарйыл ёросысь гуртъёстй гур пук-тылыса ветлйз. Кин ке вьль корка-а вуттэ, яке чындйсь

гуръёссэс-а воштоно – одно ик Лекимли йыбырттозы. Солэн пуктэм гуръёсыз туж усто пөрмыллызы угось.

Нош заводэ ужаны пыремез бере, солы аслаз өнерезлэсь огдырлы люкиськоно луиз, табере цехын со старшой нагревальщик лубыса тырше. Виль уж капчиен өз сётскы – быдэс ар чоже өраз пырыны тырииз. Бөрысь уни солэсь усточиез цехазы ой вал. Берло но котьку сое зеч кылын гинэ тодазы вайыллызы. Заводын потйсь «Вахта» газетын но чем гинэ со сярэсь зеч кылъёсын гожъяллызы.

Война кутскыса, Лекимлэсь троссэ эшъёссэ армие басьтйзы, нош солы броня сётйзы: заводын ик, пе, ужалод, татын но, пе, сыче ик фронт. Дас кык но дас тямыс но часъёс ужаллызы. Сварищик Чернов, жади шуыса, ноку но өз ёсожтйськылы. Ма сямыз но солэн сыче вал: мултэс кылзэ кисэн кыскаса но уд потты. Сергеез кадь өвёл, соиз, югыт шунды кадь, котькинэн вераськоз, серекъялоз, шулдыръяськоз. Лекимлэн куинь пинальёсыз: бадъымез – ныл, кыкез – пиос-кыктоос. Ваньзы соос атайзы борды бинялтйсько, солэн уго пинальёсызлы тэшкылтэмез но өвёл.

Кирлолэн покчиез пиез, Сергей, городэ улыны кариськемез бере, цехе ужаны интыяськиз. Ваньмон дырыз трос луэмьсь, соиз юнме медам быры шуыса, ёжытёсы бухгалтеръёсыз дасян курсэ ветлыны өдъяз. Отын дышетскисъёс пöлын одйгез гитараен туж усто шудыны быгатэ вал. Сизьым сиё шудонлэн жингрес чузъяськемез Сергейлэсь сюлэмзэ вормиз, ёсоген ачиз но соин шудыны кутскиз. Аслыз гитара басьтйз. Эшъёсыныз тымет вылтй пыжен уякузы, Сергейлэн шудэмез нылъёслэсь сюлэмъёссэс небъытылйз, ас палаз карылйз кадь. Жоген со армие кошкиз, тымет дурысь гитара но чалмиз. Нош Сергей Чернов службаз но шудонэныз өз люкиськы, ваньмон дыръяз аслэсьтымз мөзмонзэ но шумпотонзэ гитараез пыр кисьтылйз. Огпол солэсь озьы шудэмзэ полклэн капельмейстерез

адъиз, егит пилэсь музыка пала кариськемзэ шобдыса, дораз басьтӱз.

Дор палаз Сергей вуиз, сӱльвирез юнмаса. Мугорын атаез кадь лапег ке но, пыд йылаз, музъеме выжсызэ кужмо лӱзем тыпы сямен, йыг-йыг сьлэ. Дунне шоры сӱзэ сингӱсын учкемез, котькыче адямиен огкыл шедьтыса, лад-лад вераськемез калыклы кельшиз, соин ик воргоронгӱс но со шоры нимын-тулын вазиськылӱзы.

Сергей заводӱ ужаны интыяськиз. Ваньмон арняосы Лӱльшуре берталляз, ма, егит адями одӱг интыяз пукоза-а? Татын ук солэн пичи дыргяз валче шудӱм но будӱм эшгӱсыз, чыжы-выжыосыз уло. Эшгӱсыз пӱлысь тужгес но матысез – Сазонов Онтон, али со уни комбайнер луыса ужа. Со но ваньмыкуз аслӱсьтыз балалайказэ уг вунӱты. Гурт вадьсы уй лӱзиське но, омыре чузьясько шулдырьсӱ крезьгургӱс.

Тӱни соку шудонгӱс пӱлысен Сергей синйылтӱз егит нылмуртӱз. Ваче син луыкузы, егит ныл тыл кадь жӱсвалтӱське, дуннеез ик воксӱ вунӱтӱ кадь, кытчы кариськыны инты уг шедьты, сокем возьдаське. Миколай Педорлэн нылыз – Варыш, Онтон эшезлэн покчи сузӱрез. Сизыым ареслы егитгес ке но, гитараен шудӱсь казакпи борды Варыш пӱсӱ сӱлмыныз кыстӱськиз. Весӱ чӱмгес но чӱмгес пумиськылӱзы соос, нош гужем сюанзы ортчиз ини. Оломар сыче ик бадӱым шулдыргьяськон лӱсьтыны уг ик туртто вал но, Сергейлэн но Варышлэн валче будӱм эшгӱссы, трос гинӱ люкаськыса, быдӱс Лӱльшурез жингрес крезьгурен гудыргятӱзы (Е. Самсонов. Уй пал симфония).

Эскеронлы юаньёс

1. Кыче вераськон люкетъёсын кутйсько висьясь итэтъёс? Примеръёс вылын возматэ.

2. Кыче вераськон люкетъёслэн вань вошъет категори, кыче соослэн вошъяськон аспөртэмлыкъёссы?

3. Кыче вераськон люкетъёсын но кыче валатонэн кутйсько -гес, -гем итэтъёс?

4. Удмурт кылын кыче вераськон люкетъёс пөрмо азитэтъёсын?

5. Кыче вераськон люкетъёсын кутйсько асьян итэтъёс?

6. Кыче амальёсын пөрмо выль кыльёс? Примеръёс вылын возматэ.

7. Кыче валатонэн кутйськыны быгато асьян итэтъёс?

8. Удмурт кылын кыче грамматической валатонъёсты возматон понна кутйсько аналитической амальёс? Верамдэс примеръёсын юнматэ.

9. Кыче кыльёслэсь вераськон люкет луэмзэс шуг пусйыны? Верамдэс примеръёсын возматэ.

10. Кыче возетъёс (принципъёс) вылэ пыкиськыса, кыльёсыз вераськон люкетъёслы висьяло?

Текстѣс

1. Нош педлон весь жуштэ, жиетэ, дыбыртэ: шукирес уй пал төл котыр балконѣсысь, липет йылѣсысь кылям корт листьѣсын шалтыртэ, кечат-вамаат вотсаськем езъѣсын, корка йылѣсы чогыр-чогыр урдылїськем антеннаосын шула, дугдыны валасьтэм кезьыт зорзэ сузен-сузен борддорѣсы, укнуе сачырья, вис карытэк шаугетыса, азбарысь сьодырак изьяськем пинал топольѣсты сзэья, согсог пушьем бадяр улвайѣсты суренья, кечевыл сылїсь юг тылѣсын пужятскем укмыс этажо юрт возтї чурен радьяськем ненег кызьпуосты чигтылымон куаса, тыл шорын чильыр-вальыр кисьтаськись асфальт сюрес дуртї буй-буй пуштырскем акациосты, вуэн бырдам музьем вылэ вальыны турттыса сямен, пырак музэ сапке. Э, куазе-эд! Воксё толмон азын кадь ук, бер сїзьыл ни, кожалод. Бырод, ява, чылкак жыбызэ ыштэм, лэся, таид! Уйлы но ведь төлыз уг пуксы. Эке, кутскоз но, куд-ог арьѣсы музэн, лымызэ вуттоз ай. Вот соку! Ма, эн ай, так но тодьы бубылиос лобзо ни, лэся. Бен, бен, сульпаськыны кутскем – косяке но тини няняськыны одьям, музьем но кытї-отї тодьырам ни. Вот, июнь, шу. Нош тан-тан кынтїз ке? Ваньмыз тодь сяськаськемын! Тепыляк супыльзоз ведь. Ой, ой. Кин таңезэ малпасал – толон гинэ вань калык дэрем полэс ветлїз на ук (Г. Перевощиков).

2. Мон мунё театрысь артист. Кемалась ни отын ужасько. Бен асьтэос лыдьялэ. Али мыным витьтон арес пала ке, соку, кутскыкум, кызь кык сяна ой вал. Соку гинэ институтэз быдтї вал. Дипломе кисыям. Литератор, школае гинэ мынон кылемын на вал. Озы ик дышетїсь, лубысал, вылды, со аре городамы мунё театр ке гастролен ой лыктысал. Тїни со бордысен ик вань улон-вылонэ воштїськиз.

Нырысь спектаклязы мынй – кельшиз гинэ. Кыктэйтй-яз ветлй – сюлэмме бордаз кыскиз. Куиньметйез постановказы бере ой кошкы ни: шуисько, дышетэ монэ, оло, мынам но маке пишмоз. Режиссёрез туж умой маке, та кыльёсме кылэмез бере, уката лөпшатйз. Бордаз басьтйз.

Тйни озьы мон мунё театрын артист луи. Мар бен, эшъёслэсь трос серекъямзэс, пыкылэмзэс кылоно луиз, атаен анай но, чыжы-выжыос но даллашизы. Нокинлэсь ой кылзы – мунё театр сьöры кошки. Со учыр бере кематэк дор палам но ой вуылы (*Е. Самсонов*).

3. Со тулыс Якшур-Бодья село, шуку пушкын выллем, сяськаяськись писпуос пöлын уя вал. Шур дурысь урамъёс льöмпу зынэн тырмемын, нош нюлэслы матысь ульчаосы пыриськод ке, нырез палэзпулэн аспöртэмлыко зыныз бичатэ. Нокрыче духи кулэ öвöл, ваньмыз омыретй дунтэк лöсьяське.

Яратэ Такьян кенак бер тулысэз. Бакчяз потыса, корказ пырыны но уг чыды ни. Ачиз ужа, соин чöш ик сюлмыз шумпотэ вожектйсь нюлэслы, шундылэн няськатыны быгатйсь сиосызлы. Уката ик паймиз бакча котыраз будйсь, куаръёссы адсконтэм сяськаяськем палэзпуосызлы.

– Ну бен палэзед туэ удалтоз ке удалтоз ини, – вазиз гудйськись кузёез шоры. Ондрей пыртос ке но луэ, ог-огзэс соос умой валало: кыкназы но ужзэс дыртытэк лэсьто – нырысь сизьым пол-дас пол мерталозы. Кенер ке куашкан калэ вуэ, кыкназы но бакчае пото. Выж ке миськоно, Ондрей выжлөгетъёсты курткины потта, колонкаысь ву вае.

Калык радъя, ваньмыз чöш сяськаяськизы но төлзйзы Бобылёвъёслэн палэзпуоссы. Емышъёссы но туж шулдыр быгыльскизы. Нош одйг пол чукна Таисья кенак нюлэскы ньылпу лыслы мыноно кариськиз. Гур чужон, пе, быриз ини. Бакчаысьтыз ана вылтй вамышъянъяз, синъёсыз музьем вылэ жиль-жиль куашкам палэз емышъёсты адзйзы.

Уй чоже төласькиз, со ик татын кузёяськем, шөдске. Муке-
тыз палэзьпу доры мынйз кышномурт – сыче ик суред. Ку-
инетйез пичигес на вал, но талэн зускиосысьтыз но
ваньмыз сямен былъыриос усиллям (Г. Грязев).

4. Мон чорыг,
Паськыт но мур ву кожетй
Йыромыса уясь чорыг.
Чилясь буртчин кыске дораз –
Вутурынэ биниськисько.
Чорыг уллё нуэ сьобраз –
Ярлэн дураз шуккиськисько.
Мон огшоры векчи чорыг,
Вулэн кузяз мон уясько.
Шунды силэн югытэзья
Виль нуналме пумитасько.
(Л. Тихонова)

5. Быдзым писательлэн улэм усадьбаез-музеез быдэс
парк кадь вылэм. Заповеднике пырон азын ик кык төды
башняос сыло. Соос вөзтй паськыт аллея ортче, паллян па-
лаз нош бадзым пруд чия. Лев Николаевич гужемзэ отын
пыласькылэм, толалтэ конькиен нискылам. Паркын, со ся-
на, эшшо куинь пруд вань на. Кыче нош шулдыр соос
котырын!

Писатель улэм но ужам улыно-вылыно төды из юр-
тын. Вань комнатаос, пе, азьло кадесь ик. Ужан кабинетаз
жөк вылын кыллё Толстойлэн аслаз книгаосыз, гожьям
бумагаосыз. Полкаос вылэ радэн тыремын берло арёсы
лыдзем книгаосыз. Макем трос нош соос!

Лида ас синмыныз адзиз Лев Толстойлэсь улэм-вы-
лэм интызэ, кылзйз экскурсоводлэсь со сярсысь мадемзэ,
тодаз ваиз баптист проповедниклэсь верамьёсэ.

Поезд Москваозь кема өз мыны. Татысь калыкен тудзем вокзалъёс, урамъёс Лидалы тодмо ни вал. Эшедлэсь кылёнэд, йыромонэд кема ик өвёл. Соин со, вагонысь потыса, Петя борды кунулскиз. Адямиос пёлтй чуртнась-кыса мынонъязы ишкалскыса кылемзэ ик өз шёды. Петя калленгес вамыштйз (*С. Самсонов*).

6. Верало, асьме пал шаерын но, пе,
Валляна дыръя котькытын будйллям тыпыос.
Жон-жон, силё-вирос выйлйллям соос.
Тёро писпу. Эксэй писпу.
Но вуиллям зырт кезытьёс.
Нюлэскын порпиос тарс! карыса ыбыйлйллям.
Эксэй писпумы кынмем.
Со дырысен, шуо, тыпы куд-ог интыюсын
гинэ будэ на.

Нош мукет писпуос уло ук.
(*В. Владыкин*)

7. Вордскем муртлы – кёкы кадь,
Жадемъёслы – валес кадь,
Жокам муртлы – омыр кадь,
Кёс чыртылы – ошмес кадь,
Висисъёслы – эмьюм кадь,
Сютэм муртлы – зег нянь кадь
Луэм потэ.

(*Ф. Васильев*)

Туала удмурт кыллэн кылкабтодосзъя экзаменлы юаньёс

1. Кылрадъян (грамматика) сярысь огъя валан. Кылрадъян категория, кыллэн кылрадъян но кылолык (лексической) валатонэз.

2. Удмурт кыл – итылйськись кыл. Кылйэтэтьёслэн (суффиксьёслэн) пöртэм котретъёсы (группаосы) огазеяськемзы.

3. Пöртэм пумо кыл люкетъёс: кылвыжы (корень), кылйэт (суффикс), азитэт (приставка), кылпум. Итэтам (производной), итэтамтэ (непроизводной) но пöрмытйсь (производящей) кылдйньёс (основаос).

4. Вераськон люкетъёс. Соосты ог-огзылэсь висъян вoзeтъёс (принципъёс).

5. Пöртэм веранын асьсэды пöртэм сямен возись кылъёс.

6. Макеним. Солэн лыд категорияез.

7. Макенимлэн асьян (притяжательность) категорияез.

8. Макенимлэн вошьет (падеж) категорияез. Субъектэз но объектэз возматйсь вошьетъёс.

9. Интыез возматйсь вошьетъёс.

10. Макенимъёслэн вошьетъёсья пöртэм сямен вошьяськемзы.

11. Макенимъёслэн пöрмонзы но шонер гожтйськемзы.

12. Тодметним. Солэн макенимен герзаськемез.

13. Тодметнимлэн степеньёсыз. Тодметнимлэн мукет вераськон люкетъёсы выжемеz.

14. Лыдним. Солэн макенимен герзаськемез.

15. Лыднимъёслэн пöртэм котретъёсы (разрядъёсы) огазеяськемзы. Соослэн вошьетъёсья вошьяськемзы.

16. Нимвоштос. Солэн котретъёсыз. Мурто нимвоштосъёс: ас мурто (собственно-личной), ваче мурто (взаимно-личной), кужмоятэм мурто (усилительно-личной), лыдыяно

мурто (счётно-личной), огья мурто (обобщенно-личной), нимbero мурто (послеложно-личной) нимвоштосъёс.

17. Асьян (притяжательной) но возматйсь (указательной) нимвоштосъёс. Соослэн воштэтъёсья вошьяськемзы.

18. Юан но веран, өвөлтйсь (отрицательной), тодмостйсь нимвоштосъёс. Соослэн вошъетъёсья вошьяськемзы.

19. Тодмостйсь (определятельной) но тодмотэм (неопределенной) нимвоштосъёс. Соослэн вошъетъёсья вошьяськемзы.

20. Каронкыл. Каронкыллэн категориосыз.

21. Выжись но выжисьтэм каронкылъёс.

22. Залог категория. Возвратной но возвратной лусьтэм каронкылъёс.

23. Косонэз возматйсь (понудительной) но косонэз возматйсьтэм (непонудительной) залог.

24. Вид категория.

25. Ньöмез (притворной модальностез) возматйсь каронкылъёс.

26. Каронкыллэн сямъёсыз (наклонениосыз).

27. Каронкыллэн дыръя вошьяськемез.

28. Ортчем дырлэн кушето кабъёсыз (формаосыз). Соослэн пöрмемзы.

29. Мурттэм (безличной) каронкылъёс.

30. Каронкыллэн инъет кабез (инфинитив). Солэн спряжениез.

31. Юрттйсь каронкылъёс.

32. Каронкылъёслэн пöрмемзы но шонер гожтйськемзы.

33. Каронсям (деепричастие) сярись огья валан. Солэн кылрадъян тодметъёсыз.

34. *-са, -тэк, -тозь* кылтэтъёсын пöрмем каронсямъёс.

35. *-ку, -мон, -мен, -мысь, -мья* кылтэтъёсын пöрмем каронсямъёс.

36. Каронсямъёслэн мукет вераськон люкетö выжемзы.

37. Каронним (причастие). Солэн кылрадьян тодметъёсыз.
38. Кароннимъёслэн пөрмемзы но валатонзы.
39. Сямкыл (наречие). Солэн кылрадьян тодметъёсыз.
40. Тодмостйсь (определятельной) сямкыльёс.
41. Югдур (обстоятельной) сямкыльёс.
42. Сямкыллэн степеньёсыз. Вылтуссыя мукет вераськон люкетъёсын огкадь луись сямкыльёс.
43. Состояниез возматйсь категория.
44. Сямкыльёслэн пөрмемзы но шонер гожтйськемзы.
45. Юртйсь вераськон люкетъёс. Соослэн вошъяськись вераськон люкетъёслэсь пөртэм луэмзы.
46. Герзетъёс (союзёс) но герзеткыльёс (союзной кыльёс).
47. Нимбер (послелог).
48. Кылпыры (частица).
49. Вазиськон но пышкылон кыльёс.
50. Мылкыдкыльёс.

Инъет литература

Алашеева А. А. Туала удмурт кыл: Сямкыл. Азьпечатлос / Удм. кун ун-т. Туала удмурт кылья но сое дышетон амальёсыя кафедра. – Ижкар: «Удм. ун-т» книга поттон корка, 2003. – 31 б.

Грамматика современного удмуртского языка: Фонетика и морфология / Удм. НИИ ист., экон., языка и лит. – Ижевск: Удм. кн. изд-во, 1962. – 376 с.

Ефремов Д. А. Имя прилагательное в удмуртском языке. – Ижевск: Издательский дом «Удмуртский университет», 2009. – 124 с.

Кондратьева Н. В. Категория падежа имени существительного в удмуртском языке / Н. В. Кондратьева; Науч. ред. В. К. Кельмаков; ГОУВПО «Удмурт. гос. ун-т», Фак. удмурт. филол., Каф. общ. и финно-угор. яз. – Ижевск: Удмурт. ун-т, 2011. – 254 с.

Перевошиков П. Н. Деепричастия и деепричастные конструкции в удмуртском языке. – Ижевск: Удм. кн. изд-во, 1959. – 325 с.

Соколов С. В. Туала удмурт кыл. Юрттйсь (служебной) вераськон люкетъёс. Азьпечатлос / Удмурт кун университет. – Ижкар: «Удмуртский университет» книга поттон корка, 2004. – 41 б.

Стрелкова О. Б. Туала удмурт кыл. Лыдним (Современный удмуртский язык. Имя числительное): Дышетон-амалтодослыко юрттос. – Ижкар: «Удмурт университет» книгапоттонни, 2011. – 37 б.

Тараканов И. В. Туала удмурт кыл. Каронкыллэн дыр но сям категориосыз. Азьпечатлос/ Удмурт кун университет. – Ижкар: «Удмуртский университет» книга поттон корка, 2004. – 38 б.

Тараканов И. В. Туала удмурт кыл: Нимвоштос. Азьпечатлос / Удмурт кун университет. – Ижкар: «Удмуртский университет» книга поттон корка, 2003. – 32 б.

Удмурт кыллэн кылкабтодосэз (морфологиез): науч.-учеб. изд. / А. А. Алашеева, Д. А. Ефремов, Т. М. Кибардина [и др.], Росси Федерациысь дышетонъя но тодосъя мин-во, ФГБОУ ВПО «Удмурт кун университет», Удмурт кылобур фак-т, Удмурт кыля но сое дышетон амальёсыя кафедра. – Ижевск: Издательский дом «Удмуртский университет», 2011. – 408 б.

Шутов А. Ф. Туала удмурт кыл. Каронсям. Азьпечатлос / Удмурт кун университет. – Ижкар: «Удмуртский университет» книга поттон корка, 2003. – 24 б.

Дышетон-амалтодослыко юрттос

Ольга Борисовна Стрелкова

**Удмурт кыллэн
кылкабтодосэзья ужъёс**

Авторская редакция

Подписано в печать 15.12.2012. Формат 60x84 1/16.

Печать офсетная. Усл. печ. л. __. Усл. изд. л. __

Тираж 50 экз.

Издательство «Удмуртский университет»
426034, Ижевск, ул. Университетская, 1, корп. 4.